

ՅԱԿՈԲ ՊԱՐՈՆԵՍՆԻ ՍՏԵՂԾԱԳՈՐԾԱԿԱՆ ԳԱՂՏՆԱՐԱՆՆԵՐՈՒՄ

Հայ մեծ երգիծաբանի մահից ուղիղ հարիւր տարի է անցել (1891թ. Մայիս), եւ անցնող ժամանակն աշխատել է նրա օգտին, կրկին ու կրկին հաստատելով, որ Պարոնեանի դերը հայ գրականութեան պատմութեան մէջ բացառիկ նշանակալից է, ոչ միայն որպէս մի գորոդի, որը հայ երգիծական գրականութիւնը հասցրեց գաղափարական այնպիսի նպատակալացութեան, արուեստի այնպիսի կատարելութեան, որը մինչեւ այժմ էլ մոնում է անգերազանցելի, ոչ միայն որպէս մի գորոդի, որը 70-80ական թուականներին՝ մի ամբողջ տասնամեակ, արեւմտահայ իրականութեան մէջ գրեթէ միայնակ առաջ տարաւ իրապաշտ գրականութեան դժուարին գործը, գրանով իսկ հող նախապատրաստեց եւ ուղի հարթեց արեւմտահայ 80ականների Արքիարեան, Կամսարական, Զոհրապ եւ այլն իրապաշտ գարգացման համար, այլեւ՝ որպէս գրականութեան տեսաբանի ու ֆնադատի:

Յ. Պարոնեանը հայ քննադատական մտքի ամենակնատիպ ու ամենահետաքրքրական դէմքերից մէկն է: Նրա քննադատական դիտողութիւնները, որոնք ոլորտի մէջ են առնում ոչ միայն ժամանակի հայ գրողներին ու գրական մամուլը, այլեւ համաշխարհային գրականութեան շատ նշանաւոր դէմքերի ստեղծագործութիւններ, լուսաբանում էին գրականութեան գաղափարական-գեղարուեստական առաջնորդացի ուղիներն ու հեռանկարները, առաջադրում գրականութեան գարգացման, ինչպէս եւ քննադատութեան որոշակի սկզբունքներ: Պարոնեան քննադատի տեսական սկզբունքները միշտ էլ խարսխուում էրն կոնկրետ նիւթի խոր իմացութեան ու դրա մանրակրկիտ վերլուծութեան վրայ, թէեւ յաճախ հաւաստի նիւթը պարուրում էր երգիծանքի ու այլաբանութեան շղարշով եւ առաջին հայեացքից դժուար էր կուահել ում մասին է խօսքը:

Պարոնեանի գրական քննադատական ժառանգութեան մէջ առանձնայատուկ տեղ է գրաւում Ս. Տիւսաբի «Մայտա» վէպի քննադատութիւնը՝ «Այտամը»¹: Դա ոչ միայն այն բանի շնորհիւ, որ մինչեւ այժմ պարոնեանազիտութեանը յայտնի միակ ամբողջական, աւարտուն քըննադատական գործն է (թո՛ղ որ քննադատական յօդուածի համար յոյժ անսովոր ձեւի մէջ, բայց նիստ հանգամանալից ու անաչառ), այլեւ այն պատճառով, որ այստեղ կոնկրետ երկի առիթով բարձրացւում են գրական քննադատութեան եւ գեղարուեստական գրականութեան զարդացման ուղիների հետ կապուած մի շարք կենսական հարցեր, որոնք հիմա էլ պահպանում են իրենց այժմէկականութիւնը:

70-80ական թուականների հայ գրականութիւնը յատկանշում է զարգացման ընդհանուր միտուումով՝ գրականութիւնը կեանքին մօտեցնելու, ժողովրդի ազգային ու ընկերային ազատագրութեանը ծառայեցնելու առանձնայատկութեամբ, որը սակայն երկիրականութեանը էր իր գեղարուեստական դրսեւորումներում, տարրալուծում արուեստի ոռմանտիկական ու ռեալիստական ուղղութիւնների մէջ:

Մի կողմից ոռմանտիզմի բուռն վերելք, ընդգրկման արտակարգ լայնացում. Պատկանեանի շեշտուած քաղաքական պոեզիան, Բաֆֆու ծրագրային վէպերն ու Ներենցի պատմավէպերը, որոնք արթնացնում էին ժողովրդի ազգային ինքնազիտակցութիւնը, մարտական ողի ներարկում նրան, միւս կողմից՝ հաստատուն քայլերով առաջ ընթացող ռեալիզմ, որն իր հեգեմոնիայի ճանապարհին յաղթահարելով բոլոր դժուարութիւնները, ստեղծագործական մրցավէճի մէջ էր մտնում ոռմանտիզմի հետ, հաստատում ռեալիստական ուղղութեան պատմական անհրաժեշտութիւնն ու անխուսափելիութիւնը:

Ահա այսպիսի բարդ իրազրութեան մէջ լոյս աշխարհ եկաւ հայ առաջին վիպասանուհու՝ Սրբուհի Տիւսաբի անդրանիկ վէպը՝ «Մայտան», ոռմանտիկական արուեստի մի տիպիկ արտայայտութիւն: Վէպը, ժամանակակիցների վկայութեամբ, անսովոր ընդունելութեան արժանացաւ. «... Աւելի մեծ աղմուկ եւ հետաքրքրութիւն եւ խլըրտում, գրգոր իրողութիւնը «Մայտա» անուն վէպն է», գրում է Շահնուրը²: Այս գրքին մեծ հետաքրքրութեամբ էին սպասում բոլորը: Այն «ամէն նշանաւոր երկերուն նման՝ իր ծնունդը կը կանխէր համբաւին մի յատուկ արտօնութեամբ, - կարդում ենք վէպի գրախօսականներից մէկում: - Դեռ եւս լոյս չտեսած կը հոչակուէր «Մայտա» իրեւ երփնագոյն գոհար, որ պիտի շողար մեր գրական աղօս հորիգոնին վրայ եւ իր ինքնուրոյն նշոյլներով պիտի լուսաբանէր կնային

1. ՊԱՐՈՒԵԱՆ ՑԱԿՈՒԹԱԿԱՆԻ ԵՐԿԵՐԻ ԺՈՂՈՎԱՃՈՒ, ՀԱ. Ե., ԵՐԵԱՆ, 1985:
2. ՄԱՍՈՒՐԵԱՆ Մ., Արեւելեան Մամուլի ՅՈՒՂԻՄԵԱՆ ՀԱՄԱՐՈՒՄ, 1883 թ. ՅՈՒՂԻՄ, էջ 338:

ազատութեան մեծ ինդիրը»³: Նոյն հեղինակի վկայութեամբ «... Մի քանի շաբթուան մէջ հարիւրաւոր օրինակներ կը սպառին անլուր սպառումն ուրիշ որեւէ այլ նոյնատիպ գրքոյի համար»: ... Կը կարդան ու կը լլափին «Մայտա»ն եւ անշուշտ մէն մի ընթերցող իր սրտին ու մտքին վիճակին համեմատ նպաստաւոր կամ աննպաստ վճիռ մը կ'արձակէ այդ նոր հրատարակութեան վրայ (նոյն տեղ, էջ 340):

Այդ տարիների գրական մամուլը մեզ է հասել խիստ պակասաւոր վիճակում, եւ այժմ դժուար է ասել ստորյա թիւը «Մայտա»ի մասին գրուած յօդուածների ու գրախօսականների: Ոչ լրիւ տուեալներով գրանք անցնում են երկու տասնեակից: Եւ դրանց մէջ էլ Պարոնեանի «Այտամը», որը հնարաւոր չէ շրջանցնել ո՛չ Տիւարի մասին խօսելիս, ո՛չ Պարոնեանի ստեղծագործական դիմանկարը գծելիս, եւ ո՛չ էլ մանաւանդ այդ ժամանակաշրջանի գրական-քննադատական մտքի պատմութեան անդրադառնալիս: Մինչեռ միւս յօդուածներն ու գրախօսութիւնները կամ իսպառ մոռացուել են, կամ էլ վկայակոչուում են միայն հարցի պատմութեան առիթով: Ի՞նչով բացատրել: Բնականաբար այս կապակցութեամբ առաջին հարցը, որ առաջանում է՝ 70-80ական թուականների գրական-քննադատական մթնոլորտի, քննադատական մտքի նպատակամիտուածութեան եւ դրանց հետ Պարոնեան քննադատի ունեցած աղերսների մասին է: Քանի որ ժամանակի քննադատական մթնոլորտի հանգամանալից ուսումնական միկրիկլիմայի վրայ, մասնաւորապէս մամուլում «Մայտա»ի մասին հրապարակուած նիւթերի վրայ եւ հենց այդտեղ էլ փնտուել ինդրի պատասխանը:

70-80ական թուականների գրականութեան մէջ կատարուած լուրջ տեղաշարժերը փոխեցին նաեւ գրական քննադատութեան ընոյթը: Գրական քննադատութիւնը հրապարակախօսութիւնից անջատուելու եւ ինքնուրոյն գրական տեսակ դառնալու որոշակի միտումներ է դրսեւուրում: Նախորդ տասնամեակների ընդհանուր տեսական դատողութիւնները, գրականութեան մասին գաղափարական քարոզները փոխարինւում են գրական թանձրացեալ երկերի վերլուծութեամբ: Գրական քննադատութիւնը անզիջում պայքար է յայտարարում արուեստն արուեստի համար տեսութեան դէմ: Որպէս օրուայ հրամայական պահանջ դրուում է «ուռած ու փքուած բառերի կուտակումից» հրաժարուելու, «գործնական գաղափարներ յայտնող գրուածքներ» (Գ. Արծրունի) ստեղծելու խնդիրը: Այս պայմաններում քնաւ զարմանալի չէ ո՛չ «Մայտա»ի առաջացրած աղմուկը, ո՛չ էլ նրա մասին հրապարակուած յօդուածների ու գրախօսականների միակողմանի ընոյթը: Բոլոր

3. Արեւելեան մամուկ, 1883 թ. Յուլիս, էջ 339:

յօդուածագիրները կարծես խօսքը մէկ արած կրքոտ կերպով քննարկում են վէպում արձարծուած գաղափարները, հաստատում կամ մերժում դրանք: Խօսում են ամէն ինչի մասին; լուրջ քննութեան եւ վէճի առարկայ են գարձնում նոյնիսկ վէպի վերնագիրը, Մայտայի անուան ծագման հարցը: Մինչեւ եւ ոչ մէկը յօդուածագիրներից անհրաժեշտութիւն չի համարում անդրադառնալ վէպի գեղարուեստականութեան, գրական ուղղութեան հարցերին: «Փքուած» բառերի կուտակումից «Հրաժարուելու», «գործնական գաղափարներ արտայայտող» վէպեր ստեղծելու պահանջը քննադատներին ցցում է մի այլ ծայրայեղութեան մէջ: Մոռացութեան է տրուում, որ ամէն մի վէպ, գործնական ինչ նպատակ էլ հետապնդի այն, ամենից առաջ արուեստի ստեղծագործութիւն է: Եւ պատահական չէ, որ Պարոնեանի քննադատականի գաղափարը յատուկ սրութեամբ է շեշտուում հարցի հենց այդ կողմը: Նա «Մայտան» դիտում է ամենից առաջ որպէս գեղարուեստական մի իրողութիւն, մի անքակտելի ամբողջութիւն, որտեղ, ինչ խօսք, գաղափարախօսութիւնը շատ կարեւոր է, բայց պակաս կարեւոր չէ եւ այն, թէ գեղարուեստական ինչ հնարանքներով, արուեստի ինչ միջոցներով է հոգի ու մարմին առնուում այդ գաղափարը: Սա առաջին տարբերակիչ գիծն է, որ Պարոնեանի քննադատականը վեր է բարձրացնում «Մայտա»ի մասին եղած բոլոր յօդուածներից ու գրախօսութիւններից, առանձնայատուկ տեղ վերապահելով նրան:

Պարոնեանի գրախօսութիւնն առանձնանում է նաեւ ձեւով: Նա իր կարծիքներն արտայայտում է թատերախաղի միջոցով, որտեղ գործող անձինք «Մայտա»ի հերոսներն են, փոքր ինչ այլափոխուած անուններով (օրինակ. Մայտա-Այտամ, Տիգրան-Գիտրան, Սիրա-Թիսա, Պետրոս-Տերպու, Լեւոն-Նեւու եւ այլն): Բնագիրը եւս «Մայտա»ից է վերցուած, ընտրողաբար բայց մեծ հարազատութեամբ: Աւելացել են գործող անձինք՝ Հեղինակ, Միծաղ, Կրիտիկոս եւ Բարոյական, վերջում՝ Անքոս: Առաջինները խաղում են, վերջիններս բացի հեղինակից, որպէս հանդիսատեսներ ուեպիկների ձեւով քննարկում են խաղը: Միամտութիւն կը լինէր քննադատութեան այս անսովոր ձեւը համարել հեղինակի քմաշած ինքնատիպութեան ձգուում, կամ պատահականութեամբ բացատրել: Հարցոն այնքան լուրջ է, որ այլպիսի ենթագրութիւնների տեղ չի թողնում: Գրախօսականի այս ձեւը հեղինակին օգնել է աւելի դիպուկ դարձնել ասելիքը: Կրիտիկոսի, ծիծաղի եւ Բարոյականի ուեպիկները ձեռք են բերում գրքի հների վրայ արուած դիտողութիւնների արժէք, որոնք սակայն ծնուելով նրանց կարծիքների փոխանակութիւնից եւ ընդհանուր յայտարարի բերուած լինելով, աւելի մեծ ոյժ են ստանում, մի առանձնայատկութիւն, որից զուրկ է գրախօսութեան աւանդական ձեւը, եւ որն այս դէպքում Պարոնեանին բարարել չէր կարող: Հենց նոյն այդ գրախօսութիւնը հիմքեր է տալիս

պնդելու, որ այն յղացել եւ իրագործուել է ոչ թէ որպէս նոր լոյս տեսած գրքի մի սովորական գրախօսութիւն, այլ ամենից առաջ որպէս ընդդիմախօսութիւն, ընդդիմախօսութիւն ոչ միայն «Մայտայի» հեղինակին, այլեւ՝ նրա քննադատներին, եւ առհասարակ ժամանակի գրական քննադատութեան, որպէս սուր մրցավէճ կողք-կողքի զարդացող գրական երկու ուղղութիւնների՝ ռոմանտիզմի ու ռեալիզմի:

Թիշենք թէ ինչպէս է սկսում «Այտամ»ը: Ծիծաղը դիմում է Կրիտիկոսին, նրան հրաւիրելով կենդանիներու թատրոն, ուր մարդու վերաբերեալ թատերգութիւն պիտի տրուի եւ ապա աւելացնում է. «... կը փափափիմ տեսնել այս թատերախաղն, որ ինչպէս կը հոչակեն բարձրաթիռ փետուրի մը արդիւնք է»⁴: Յետագայում գրականագէտներից շատերը ուշագրութիւն չդրանելով «ինչպէս կը հոչակեն» բառերին, այն ընդունել են որպէս Պարոնեանի կարծիք Տիւսարի մասին: Մինչդեռ ծիծաղը հրաւիրում է Կրիտիկոսին քննելու այդ արդէն հըռչակուած կարծիքի հաւաստիութիւնը: Այստեղ դժուար է նկատել թէ ում մասին է խօսքը: Սակայն թատերախաղի վերջում Պարոնեանը յիշում է իր գրական հակառակորդներից մէկի անունը: Թատերախաղի աւարտից յետոյ, երբ վարագոյը իջնում է, երեւում է Անթոսը եւ ոգեւորութեան ցոյցեր է անում: «Աս ի՞նչ կը նշանակէ» – զարմացած հարցնում է ծիծաղը: «Կը նշանակէ, որ թատերգութիւնն լաւ շինուած է եւ գերասաններն լաւ կատարած են իրենց դերն» – պատասխանում է Կրիտիկոսը:

Թատերախաղի այս վերջին տեսարանը, որ կատարում է բեմից դուրս, հետաքրքրական է մի քանի կողմերով: Նախ՝ այն հիմք է տալիս վստահօրէն պնդելու, որ «Այտամ»ը գրուած է որպէս ընդդիմախօսութիւն:

Երկրորդ. Եթէ նախորդ դէպքում հնարաւոր չէր պարզել, թէ ում նկատի ունի հեղինակը, ապա այստեղ ակնարկը բաւականին թափանցիկ է: Անթոսը (որ ծաղկէ է նշանակում թուրքերենում) Զմիւռնիայում հրատարակուող «Մաղիկ» հանդէսի խմբագիր Գրիգոր Զիլինկիրեանն է, որի հիացմունքը վէպի մասին յայտնի էր նրա լոյս տեսնելուց շատ առաջ: Պոլիս կատարած ճանապարհորդութեան ժամանակ նա ծանօթացել էր Տիւսարի հետ, «Մայտայի» ճեռագիրը կարդալու «չնորհ-քը վայելել»⁵: Նոյն տեղում նա վիպասանուհու միտքը համարում է «այժմեան առաջադիմութեան գաղափարների բոյն մը»», սիրտը՝ «ընտիր զգացմանց աղքիւր մը» (էջ 151): Նա այնքան է հիացած եղել Տիւսաբով, որ իր վերոյիշեալ գիրքը ձօնել է նրան, իսկ յետագայում «Մասիսում» հանդէս է եկել վէպի մասին ընդարձակ գրախօսականով:

4. ՊԱՐՈՆԵԱՆ 8., ամդ, էջ 233:

5. Ուղեւորութիւն Կոստանդնոպոլիս, Զմիւռնիա, 1883, էջ 166:

Մատնանշելով վէպի թերութիւնները, Պարոնեանը հենց Զիլին-կիրեանի հետ է բանավիճում: Բանավէճ, որն իր ընթացքով վերաճում է գրականութեան մէջ ոռմանտիկական արուեստի անկենսունակութեան բացայատմանը, պաշտպանում ոեալիզմի դատը, հաստատում նրա սկզբունքները:

Երրորդ. իր այս ինքնատիպ քննադատութիւնը վերջաբանում է գրական քննադատութեան դերի, գրականութեան առաջընթացի, երիտասարդ գրողների հետ տարուող աշխատանքին վերաբերող մի ծանրակշիռ եղրահանգումով. գրականութեան առաջնօքացը կարող է խըթանուել միայն անկեղծ ու անշահասէր քննադատութեամբ. «Երանի այն հեղինակին, որուն առաջին երկը կը սովորի, - ասում է Պարոնեանը, - այն հեղինակն ուղղելով իւր թերութիւններն, որ ցոյց կը տրուին իրեն անկեղծ եւ անշահասէր անձերու կողմէն, օր ըստ օրէ յառաջ կ'երթայ: Իսկ վա՛յ այն հեղինակին, որն չողոմաբար եւ շահասէր արարածներու խօսքերէն կը խաբուի»:

Պարոնեանը բարձրացնելով անկեղծ ու անաշառ, սկզբունքային քննադատութեան դերը գրականութեան զարգացման գործում, միաժամանակ նշում է անսկզբունք քննադատութեան աղէտաբեր հետեւանքները, զգուշացնում այլպիսի վատ քննադատութիւնից ու քննադատութերից: «Նողոքորթութիւնն շատ ողբերգուներ, իմաստասէրներ հասցուց մեր ազգին մէջ, որ տակաւին ողբերգու մը եւ իմաստասէր մը չունի»⁶:

Ուշագրաւ է, որ այս ինքնատիպ բանավէճը նա սկսում ու վերջացնում է ժամանակի գրական քննադատութեան մասին իր յստակ ու որշակի կարծիքներով, հաստատում իր իդեալը քննադատի ու քննադատութեան մասին: Համոզուելու համար հետեւանք ծիծաղի, Կրիտիկոսի եւ Բարոյականի գրոյցին, որը տեղի է ունենում թատրոն մտնելուց անմիջապէս առաջ.

«Միծալ. - Դիտակներդ ա՛ռ, բայց բժամնդրութիւնը հոս ձգէ:

Կրիտիկոս. - Լաւ: Եթէ կ'ուզես ողջամտութիւնն ալ կը քնացնեմ եւ երկուքս միայն կ'երթանք. քանի մը ժամանակէ հետէ կրիտիկոսներն արդէն իրենց ուղեկից չեն ընդունիր զանոնք, առարկելով այն առածն, թէ՝ տղու հետ ճամբայ մ'ելներ, պլասուդ փորձանք կը բերէ:

Միծալ. - Ոչ, ոչ, առանց ողջամտութեան եւ անաշառութեան բանադատութիւնն՝ դիակ մ'է, որ հոգի չունի:

Կրիտիկոս. - Արդէն չկայ դիակ մը, որ հոգի ունենայ, ուստի կ'աղաչեմ, որ բարեհաճէք յետո կոչել ձեր այն ասացուածքն, որ հոգի չունի: Միծալ. - Կ'ընդունիմ որ քննադատութիւնը դիակ մ'է առանց ողջա-

6. ՊԱՐՈՒՆԵԱՆ 8., ամդ, էջ 275:

մշտութեան եւ անաչառութեան, այսուամենայնիւ, անաչառ կրիտի-կոսն ալ անհանդուրժելի կը դառնայ գործոյն տգեղ եւ տձեւ կողմերը մատնանիշ ընելով:

Բարոյական. - Բնաւ երբեք, երբ անկեղծութեամբ խօսի» (էջ 233):

Եւ այսպէս. ինչպէս ասում են սկզբունքները, ողջամտութիւն, անաշառութիւն, անկեղծութիւն: Ինչպէս տեսնում ենք, որքան պարզ ու հին են դրանք՝ նոյնքան եւ խորն ու յարատեւութեան սահմանուած:

Իսկ ի՞նչպիսին պիտի լինի գրական քննադատը: Այս հարցի պատասխանը նոյնպէս միանշանակ է: Պարոնեանը ատելով ատում է «միականի» քննադատութիւնն ու քննադատներին: Նա գտնում է որ քննադատը պէտք է կարողանայ տեսնել ու արժէքաւորել երկի ե'ւ դրա-կան ե'ւ բացասական կողմերը («Զեմ ուզեր միականի կարծուիլ»): Օժտուած պիտի լինի գրական երկը իր բոլոր մանրամասների եւ ամ-բողջութեան մէջ տեսնելու կարողութեամբ, պիտի խստապահանջ լինի, բայց ոչ բծախնդիր («Դիտակներդ ա՛ռ, բայց բծախնդրութիւնը հոս ձգէ»), անհաշտ նոյնիսկ փոքրիկ թերութիւնների նկատմամբ, քանզի «երբեմն ամենափոքր թերութիւններն ամենամեծ առաւելութիւններն կը նսեմացնեն»:

Այս սկզբունքներով էլ նա կատարում է «Մայտա»ի քննութիւնը: Վէպում բարձրացուած հիմնական հարցը՝ կնոջ ազատագրութեան խնդիրը, սկզբունքային վէճ չի յարուցում: Պարոնեանը, որպէս ժա-մանակի ամենա-առաջադէմ մտածողներից մէկը, անվերապահօրէն գտնում էր, որ կնոջ ազատագրութեան հարցը շատ լուրջ ու կարեւոր է: Սակայն «Այս խնդիրները լուծելու համար, - ասում է քննադատը, - զաւշտական յօդուածներ գրելն, դաշնակ զարմելն, լրագիր կարդալն, գեղեցիկ ոտանաւորներ հիւսելն բաւական չեն, պէտք է նախ երկրին օրէնքներն նանաչել, կանանց կրթութեան համեմատ օրէնք խմբագրե-լու համար հարկ եղած գիտութիւններով օժտուած ըլլալ եւ այլն, եւ այլն»⁷:

Քննադատելով ոռմանափիկ հեղինակի հարցադրութեան մէջ կարծիք է յայտնուել, թէ իբր Պա-րոնեանը մատնանշում է (էջ 253-246) կնոջ ազատագրման նրա առաջա-դրած գաղափարի խախուս լինելը եւ ուղղակի կերպով արտայայտում է կանանց չարքաշ աշխատանքից ազատագրելու ընկերային բարեփո-խութիւնների օգտին:

Մեր գրականագիտութեան մէջ կարծիք է յայտնուել, թէ իբր Պա-րոնեանը, ի հակադրութիւն «Մայտա»ի միւս քննադատների, հիմնա-կանում խօսում է վէպի գեղարուեստական առանձնայատկութիւնների մասին: Սակայն դա նշարիտ է թում միայն առաջին հայեացքից: «Մայտա»ի քննադատներից եւ ոչ մէկը այնպէս հանգամանօրէն եւ

7. Անդ, էջ 248:

այնպէս անաշառ չի քննել վէպի գաղափարական ուղղուածութեան խնդիրը, ինչպէս այդ արել է Պարոննեանը: Միւս քննադատները, չնչին բացառութիւններով, գաղափարը կտրելով վէպի սիւժետային գեղարուեստական հենքից, այն դարձնում են հրապարակախօսական խորհրդածութիւնների առարկայ: Պարոննեան քննադատի համար երկի գեղարուեստական առանձնայատկութիւնները գաղափարախօսութիւնից անկախ գոյութիւն չունեն: Այստեղ ամէն ինչ փոխադարձ կապի մէջ է, եւ վէպի յաջողութիւնը ըստ Պարոննեանի մեծապէս պայմանաւորուած է նրանով, թէ արուեստի ի՞նչ միջոցներով, ի՞նչ սկզբունքներով է մարմնաւորուած է գաղափարը: Այստեղ հիմնական դերը յատկացուում է բնականութեանը:

«Հեղինակն եթէ կ'ուզէ, որ իւր գործն ազդեցութիւն ունենայ, սիրտերն ու մտքերը յուրէ, նախ եւ առաջ պարտաւոր է ամէն հնարաւոր, եւ նոյնիսկ անհնար միջոցներ ձեռք առնուլ հաւատացնելու համար, թէ ժողովրդական կեանքէն քաղուած դէպքի մը նկարագիրն է այդ երկասիրութիւնն» (էջ 235): Այս դիտակչափութիւններով եւ անակընկալ տեսարաններով մարդկանց մտքերը յափշտակելու ռոմանտիկական գրելաճելը: Այստամի մատանու կորստեան պատմութիւնը բերելով, քննադատը նկատում է. «Շատ բռնազօսեալ է այս տեսարանն, նամանաւանդ, որքան չկասկածիս Հիրեքային՝ այնքան կը հեռանաքնակն» (էջ 251): Նոյնն է եւ Գիտրանի կնոջ եւ երեխայի անակընկալ մահը, Հիրեքա-Տերպոս հաւատ չներշնչող սիրային կապը, կոմսի յայտնութիւնը վիպական հիւսուածքում եւ այլն, եւ այլն:

Վերջինիս վրայ յատուկ ուշադրութիւն է դարձնում քննադատը. նախ՝ կառուցուածքային առումով աելորդ է համարում այն. «Զեմու ուղեր, որ կոմսին պատմութիւնն ընդմիջէ վէպն այն պահուն, ուր սկսած է ուշագրաւ եւ սրտառուչ տեսարաններ ներկայել» (էջ 261), եւ ապա այն հիմք է ծառայեցնում ընդհանրապէս ռոմանտիկական վէպի սկզբունքների քննադատութեան. «Այսու վէպերու մէջ մարդս որքան չուտ բոյժ կը գտնէ իւր ցաւոց: Լումայէ կարօտ աղքատն մէկ վայրկեանի մէջ կը հարստանայ, կամ անակնկալ ժառանգութիւն մը ձեռք բերելով իւր հօրեղօրէն, զոր չէր ճանչնար առաջ, կամ միջինատէրի մը համակրութիւնն գրաւելով: Վէպերու մէջ աւազներն դալարագեղ մարդագետիններու, անապատներն յանկարծ մշտաբուի վտակներու կը դառնան: Ուստի զարմանալու չէ շատ, երբ Այստամն փողոցի մէջ կը մարի, կ'իյնայ եւ կը հիւրընկալուի իրեն անծանօթ կոմսէ մը, որ չճանչնար Այստամն: Եթէ կոմսն իւր տունն չընդունէր Այստամն՝ իխստ ողբալի պիտի ըլլար խեղճ կնոջ վիճակն: Քառասուն անգամ տեսած եմ փողոցի մէջ ինկած եւ մարած ինեղճ էակներ, որ անցորդներուն մէկ անտարբեր նայուածքին իսկ չին արժանանար. հանդիպած եմ

իրիկուան հացն մտմտացող ընտանեաց հայրերուն, որ երկու դահեկան չէին կրցած մէկէ մը փոխ առնել, մինչդեռ եթէ վէպերու մէջ մտնէին այս անձերն՝ անմիջապէս պիտի հարստանային» (էջ 265):

Այստեղ Պարոնեանը քննադատում է ոռմանտիկական ուղղութեան մի այլ առանձնայատկութիւն եւս՝ ոճամոլութիւնը (էջ 237, 238 եւ այլն): Նա իր ասածը հաստատում է վէպից բերուած օրինակներով. «Բարոյական. - Ապագային երկինքը... սեւ կէտ... լուսաւոր կէտ... ապագային կամարը... գիշերամած... բիւրաւոր յուսոյ աստղեր... միսիթարիչ լոյս... կենաց փայլը... մոռայլը... լոյս... գիշեր» ... աստղագիտութեան վրայ կը խօսի կարծեմ:

Ծիծաղ. - Ոչ, փոխաբերական ձեւով կը միսիթարէ Այտամն եւ կը յորդորէ զայն, որ չյուսահատի, յարելով միանգամայն, թէ գործունէութեամբ կրնայ երջանիկ ըլլալ:

Բարոյական. - Եթէ այսպէս պարզ խօսէր՝ կարծեմ իւր խօսքերն աւելի սփոփիչ եւ ազդեցիկ կը լինէին. իւր հոգւոյն հատորն կորսնցնող կինն կը ձանձրանայ այս ճառէն, որ սկիզբէն մինչեւ վերջը երկնային մարմիններէ կազմուած է, ինչպէս նաեւ չ'երթար, այլ եւ այլ ձեւերու մէջ դեգերիլ իւր ալէյոյզ ցաւն ու կսկիծն բացատրելու համար, եւ այս խիստ բնական է: Ինչո՞ւ ուրեմն չինազանդիլ այն օրինաց, որ քննութեան վրայ բարձրացած են. ինչո՞ւ նորածեւ լինելու փափագով տգեղացնել գեղեցկութիւնը» (էջ 238):

Դժուար չէ նկատել, որ քննադատելով «Մայտա»ի ոճի պաճուճապատանքը, քննադատը հարցի շրջանակները լայնացնելով հացնում է ոռմանտիկական արուեստի սկզբունքների ժխտմանը, գրան հակագրելով բնականութիւնն ու պարզութիւնը. «Ինչ անոյշ է բնութեան լեզուն, եւ որքան անզարդ՝ կարծես այնքան ազդու է, իւր ամէնէն գեղեցիկ զարդն անզարդութիւնն է» (էջ 265):

Զարգացնելով ռեալիզմի իր տեսութիւնը, Պարոնեանը գտնում է, որ վէպի գաղափարախօսութիւնը պիտի բխի գործողութիւնների ընթացքից, հերոսների վարքագիծց: Մինչդեռ կնոջ անիրաւահաւասարութեան դէմ ընդվզող Մայտան հենց առաջին հայեացքից սիրահարւում է Տիգրանին, մոռանալով ե՛ւ լքում, ե՛ւ իրաւազրկութիւն, ե՛ւ նոր մահացած ամուսնուն: Հերոսների վարքագիծը նրանց չի տանում, չի կարող տանել դէպի առաջաղջուած բարձր գաղափարների ոլորտը. «Կին մը որ երկու տարին անզամ մը կը կարգուի, չկրնար նիւթ ընծայել վէպի մը, որով առաջաղջուած է միտք գրաւել կամ հոգի յափշտակել: Հարսանիքն ողբերգութիւն չշինուիր, ոչ ալ մահէն կատակերգութիւն» (էջ 267):

Խիստ է Պարոնեանի քննադատութիւնը, բայց անաչառ ու բարեացակամ: Եւ եթէ իր խստապահաննութիւնն այնուամենայնիւ տեղ-տեղ հասնում է ծայրայեղութեան, միայն ու միայն երիտասարդ հեղինա-

կին օգնելու, նրա անդրանիկ երկի թերութիւնները մատնանշելու, նրան ստեղծագործական ճշմարիտ ուղղու վրայ դնելու նպատակն ունի:

Հայ գրականագիտութիւնը թէ՛ անցեալում եւ թէ՛ մեր օրերում իրաւացիօրէն բարձր է գնահատել Պարոնեանի այդ երկի դերը ռեալիզմի աւանդները հաստատելու ճանապարհին: Սակայն Պարոնեան քննադատի խստապահանջութիւնը երբեմն առիթ է տուել նաեւ որոշ դժգոհութիւնների եւ դիւրըմբառումների: Այսպէս. Պարոնեանի առաջին քննադատաներից մէկը՝ Ա. Չոպանեանը գրում է. «Ընէի ծայրայեղ նրբացումները ծաղրած ատեն այնպէս բացարձակ է, որ ոճը չ'ընդունիր կարծես: ... Կան երբեմն զիտողութիւններ ալ, ծայրայեղ են. որովհետեւ տիկին Տիւսաբ մարդկային ընկերութիւնը, «մարդկային փունջի» պատկերով ցուցած է, Պարոնեան երկու էջ կը լցնէ ծաղրելու համար այդ նմանութիւնը, որ վերջապէս անկարելի չէ»⁸:

Ի զուր էր Չոպանեանի մտավախութիւնը: Պարոնեանի նման մեծ գեղագէտը չէր կարող գեղարուեստական գրականութիւնը նրա ամենահիմնական բազալրամասերից մէկից՝ գեղարուեստական ոճից զըրկելու պահանջ առաջարել, գրաքննադատի խօսքը՝ չափի մասին է, ստեղծագործութիւնն մէջ նիւթի եւ ոճի փոխադարձ պայմանաւորուածութիւնն, ծեքծեքուն պէճամուլթիւնն մասին: Պարոնեանի խստապահանջութիւնն է դարձեալ, որ առիթ է տուել ակադեմիկոս Տէրտէրեանին ասելու թէ՝ Պարոնեանը ջախչախիչ քննադատութիւնն է ենթարկել «Մայտա»ն: Այսպիսի անվերապահ պնդման համար կարծում ենք բաւարար հիմքեր չկան:

Մենք գիտենք, ճանաչում ենք նաեւ վատ գործերը ջախչախելու կոչ անող Պարոնեանին. «Սպանեցէ՛ք տգեղ գործերն, - ասում էր նա քննադատներին, - եւ վստահ եղէք, որ պիտի գեղեցկանան անոնք: Մարդեր կան, որ կը գեղեցկանան երբ մեռնին»⁹: Սակայն, «Մայտա»ի քննադատութիւնը այն դէքպ չէ: Պարոնեանը քննադատել է վէպում դրսեւորուած ոռմանտիկական արուեստի սկզբունքները, հասարակական կեանքի նոր երեւոյթներն արտայատելու նրանց սահմանափակ հնարաւորութիւնները: Սակայն հենց նոյն այդ անողոք քննադատութիւնն հետեւում երեւում է գրականութիւն վաղուայ օրով մտահոգուած մեծ գրողն ու քաղաքացին, որն ի հարկին չի զլանում նաեւ դրական խօսք ասել հեղինակին, հոգատարութիւնամբ, խմբագրական կարգի դիտողութիւններով ուզում է շտկել երկի նոյնիսկ փոքր թերութիւնները, որովհետեւ դրանք, նրա համոզմամբ, երբեմն ամենամեծ առաւելութիւններն կը նսեմացնեն: Բերենք մի օրինակ. «Ի՞նչ փոյթ քեզ, երբ սիրտ մը ունիս սիրելու համար, միտք՝ խորիելու,

8. Խաղիկ, 1895 թ., Նոյեմբեր 6, էջ 277:

9. ՊԱՐՈՆԵԱՆ 8., հա. 4., էջ 52:

կամք՝ գործելու»: Միրային այս խօսքերի առկիթով՝ Պարոնեանը գըրում է. «Շատ գեղեցիկ եւ քաջալերական են այս խօսքերը, նամանաւանդ անոր համար՝ որ յայտնուած ճշմարտութիւն մը կը քարոզէ, թէեւ լսու իս աւելի յարմար կը լինէր, եթէ նախ գրուէր՝ խորիելու համար միտք, գործելու համար կամք եւ ամէնէն ետքը՝ սիրելու համար սիրտ, որ դժբախտաբար առաջ դրուած ըլլալով՝ կրնայ Այտամն պղտորել եւ հրաւիրել զայն, որ խորհելէն եւ գործելէն առաջ սիրահարութիւն սկսի...»¹⁰: Անհրաժեշտութեան դէպքում օրինակները կարելի է բազմապատկել, սակայն երկարաբան չի լինենք հենց իրեն քննադատին, որն ուղղակիորէն հերքում է զախշախվան տեսակէտը. «Գեղեցիկ կտորներն շատ են («Մայտա»յում Հ. Դ.), բայց եթէ այդ կտորներն ամբողջովին գրենք, երկու տարիէն չեն լմննար մեր դիտողութիւններն: Բայց անիրաւութիւն չգործելու համար պիտի խօսինք նաեւ գեղեցիկ կտորներուն վրայ, երբ տգեղներն լմըննան»¹¹:

Այստեղից մի ոչ պակաս կարեւոր դիտարկում եւս. որքան էլ խիստ էր Պարոնեանը ոռմանտիկական արուեստի սահմանափակութիւնն ու թերութիւնները մատնանշելիս, այնուամենայնիւ՝ անաչառութեամբ գնահատում էր նաեւ վէպի դրական կողմերը:

Իր իսկ խոստովանութեամբ նա ատում էր միակողմանի քննադատութիւնն ու քննադատներին, եւ որպէս ճշմարիտ գեղագէտ ու տեսաբան՝ չէր կարող աչք փակել, չնկատելու տալ մեր գրականութեան մի ամբողջ շրջանի ձեռք բերած նուաճումները: Նա բարձր էր գնահատում ստեղծուած շատ արժէքներ, որ հենց ոռմանտիզմի արգասիք էին: Ապացոյց. Ռոմանտիկ Պեշիկթաշեանին անմահութեան տիտղոսվ մեծարելք:

Պարոնեանը հարցին մօտենում էր յոյժ գիտական դիրքերից: Մի ժամանակ կլասիցիզմին փոխարինելու եկած ոռմանտիզմը պատմականօրէն արդէն կատարել էր իր առաջադիմական գերը, սպառել արուեստում նոր խօսք ասելու իր հնարաւորութիւնները եւ անհրաժեշտաբար պիտի զիշէր դիրքերը նոր բարձրացող առաւել առաջադիմական գրական ուղղութեանը՝ ուեալիզմին, որը կոչուած էր պատասխանելու ժողովրդի հասարակական, քաղաքական կեանքի հրատապ ու կնճռու հարցերին: Անհրաժեշտ էր ոչ թէ մոգական գաւազանի ոյժով «աւազները», «լումայի կարօտ աղքատոն» մէկ վայրկեանի մէջ հարստացնող գրականութիւն, այլ այնպիսի մի գրականութիւն՝ որ քացէր ամուսինների չարքաջ աշխատանքը կիսող գեղջկուինների, գործարանների մէջ աշխատող, կարող, ձեւող, ասեղնագործող, նակտին քրտինքովը

10. ՊԱՐՈՆԵԱՆ Յ., Հռ. Ե., էջ 241:

11. Անդ, էջ 245:

տան ծախքը հոգացող բաղաքարնակ կանանց, փողոցի մէջ ինկած եւ մարած խեղն էակների, իրիկուան հացն մուստացող ընտանեաց հայրերի սոցիալական դրաման:

Այսպիսին էր Պարունեան քննադատի դիրքորոշումը գրական երեւոյթների գնահատման հարցում, որը նա հետեւղականօրէն պընդում էր:

Վերը բերուած տողերը «Մայտա»ի գեղեցիկ կտորների մասին հետաքրքրական են մի այլ առումով եւս: Դրանք վկայում են որ Պարունեանն իր ասելիքը այդ վէպի մասին աւարտուած չէր համարում եւ ծրագրում էր մի նոր ելոյթ: Գրուե՞ց արդեօք խոստացուած յօդուածը...»:

Ժամանակի մամուլում «Մայտա»ի մասին տպագրուած նիւթերն ուսումնասիրելիս, հանդիպեցինք մի ուշագրաւ փաստի. «Արշալոյս Արարատեանի» 1883 թ. Հոկտեմբերի 5ին, 8ին, 12ին շարունակաբար տպուած մի յօդուածում Կարապետ Ստեփանեանը, բանավիճելով Գրիգոր Զիլինկիրեանի հետ, «Մայտա»ի մասին իր ասածները հաստատելու համար, վկայակոչում է Յակոբ Պարունեանի մի յօդուածը «Մայտա»ի մասին եւ մատնանշում է տեղը՝ «Լոյս», 1883 թ. թիւ 368: Ապա եւ ուղղակի մէջքերումներ է անում այդ յօդուածից, որպէս իր տեսակէտները հաստատող ուժեղ կուտաններ: Ահա այդ քաղուածքները.

ա. «Կը յարգեմ ձեր «Մայտա»ի բառերն, որ երբեմն իրենց յատուկ նշանակութեամբ գործածուած են»:

թ. «Մայտա»ի նիւթէն անկարելի է ձեր առաջադրած նպատակին տանող վէպ մը շինել, այլ է, եթէ Մայտան իւր ամուսինն կորուսանելէն յետոյ ազնւական մօր դեր կատարէր եւ ընկճէր իւր աղջկանը հետ անիրաւութեանց եւ նախապաշարմանց ներքեւ, որոնց դէմ մաքառելու նպատակն ունինք»:

գ. «Անպատեհ տեսարաններ կը յաճախին ձեր վէպին մէջ, ինչպէս նաեւ բռնազրօսեալ դաւեր, որոնց հանգոյցն արուեստով չուժուիր»:

դ. «Երբ մէկն ձեր վէպը կարդայ, աւարտէ եւ գուցէ բնաւ տպաւորութեան մը ներքեւ չգտնէր ինքզինք եւ այս կ'ապացուցանք դըժբախտաբար, թէ վէպի մը մէջ աւելի բնական գոյներով, կենդանի պատկերներ կը փնտուի, քան թէ ասդին անդին ցանուած վճիռներ, անյամար տեսարաններ եւ այլն եւ այլն»¹⁸:

12. Արշալոյս Արարատեան, 1883 թ., էջ 1233-1234:

Այս փասուղ նկատել է նաեւ զրականագէտ Ա. Շարուրեանը եւ «Մեծ երգիծարանի ստեղծագրծութեան մի ամեամօք էջ» վերնագրով «Հապարակել «Գրական թերթի» 1981 թ. Ցունիսի 10ի համարում, ապա՝ իր «Սրբունի Ֆիւսար» գրքում (Երեւան, 1982, էջ 138): Պէտք է ափսոսալ սակայն, որ յետազայում այս փաստը վրիպել է պարոնեանագէտների ուշագրութիւնից, գոյնէ չի գտնէ իր տեղը գոյող երկերի ժողովածովի նրդ հատորի (1965) ծանօթագրութիւններում եւ մոռացութեան է տրուել: Այսպիսով միայն Պարունեանինը կը վերադարձնէր Պարունեանին:

Փրկուած այս պատառիկները քաղուած են յօդուածի տարբեր մասերից եւ ամբողջական պատկերացում չեն տալիս յօդուածի մասին։ Բայց դրա փոխարէն խիստ արժէքաւոր են որպէս հեղինակի հետեւողականութեան վկայութիւններ։ Ինչպէս երեւում է, քննադատն այստեղ նորից լուրջ խօսակցութիւն է բացում «Մայտա»ի մասին, կրկին ու կրկին հաստատելով ունալիստական արուեստի իր սկզբունքները, որոնք շարադրել է «Այտամ»ում։ Պարոնեանի այս նոր յօդուածը մեզ համար անակնկալ յայտնութիւն էր, որի ամբողջական տեքստի յայտնաբերումը անշուշտ նոր կողմերով կը հարստացնի մեր պատկերացումները նրա քննադատական վաստակի մասին։

Մեզ մօտ այն փնտուելու բոլոր ջանքերն ապարդիւն էին, քանի որ ինչպէս պարզուեց «Լոյսի» 1883 թ. միակ հաւաքածոն պահպանուում է Վիեննայի Միխթարեանների մօտ։ Առաջացան նոր գժուարութիւններ։ Վերջապէս յաջողուեց Հայաստանի հանրապետական գրադարանի միջոցով Միխթարեան մատենադարանին պատուիրել յօդուածի պատճենը։ Միաժամանակ սփիւռքահայութեան հետ մշակոյթային կապի կոմիտէի միջոցով խնդրեցինք ամբողջ հաւաքածոյի մանրամասաւէնը։ Միխթարեան մատենադարանի տնօրինութիւնը ափսոսանքով յայտնում էր, որ խնդրուած յօդուածը գտնել չեն կարողացել։ Որոշ ժամանակ անց ստացուեց նաեւ մանրամասաւէնը։

Մեզ յայտնի միակ հաւաքածոն խիստ պակասաւոր է։ Թէեւ փընտուող յօդուածը, ինչպէս նախօրօք արդէն գիտէինք, այստեղ չկար, այնուամենայնիւ մանրամասաւէնը շատ օգտակար եղաւ։ Դրա օգնութեամբ հեշտութեամբ պարզուեց անյայտացած յօդուածի («Լոյս» 368) հրատարակման ճշգրիտ ժամանակը՝ 1ը Հոկտեմբերի, շաբաթ։ Այսինքն լոյս է տեսել «Այտամ»ից ընդամենը երկու ամիս յետոյ։ Այսքան կարճ ժամանակամիջոցում Պարոնեանն ի՞նչու է երկրորդ անգամ անդրադարձել «Մայտա»ին։ Ոչ ժամանակակիցների եւ ոչ էլ Տիւարի մօտ չգտնելով այս հարցի պատասխանը, Շարուրեանը ենթադրում է, թէ երեւի Տիւարը վիրաւորուել էր Պարոնեանից՝ նրա քննադատականի երգիծական բնոյթի համար, նա էլ որոշել է ահա հանդէս գալ, այս անգամ ընտրելով արեւմտահայ իրականութեան մէջ շատ ընդունուած նամակի ձեւը։

Պարոնեանը մեզ ուրիշ ենթադրութեան հիմքեր է տալիս։ Այն է, այս յօդուածը եւս, ինչպէս եւ «Այտամ»ը նախապէս ծրագրուած է եղել եւ ծրագրուած է եղել միաժամանակ։ Մի անգամ եւս յիշենք «Այտամ»ի այն հատուածը, ուր խօսւում է վէպի գեղեցիկ կտորների մասին։ «Բայց անիրաւութիւն չգործելու համար պիտի խօսինք նաեւ գեղեցիկ կտորներուն վրայ, երբ տգեղներն լմննան», - ասում է հեղինակը։

Արդեօք այդ խոստացած յօդուածը չէ՞, որից մէջբերումներ է անում Կարապետ Մտեփանեանը: Դա կը պարզի միայն «Լոյս»ի յիշեալ համարը:

«Լոյս»ի մեր ձեռքի տակ գտնուած համարների նոր նիւթերից պարզում է նաեւ, որ «Մայտան» Պարոնեանից բաւական շատ ժամանակ ու եռանդ է լիլ եւ շարունակ մի անհանգստութիւն պատճառել:

Հոկտեմբերի 1ին տպագրուած, ամենայն հաւանականութեամբ ընդարձակ յօդուածից ընդամէնը մէկ շաբաթ անց, քննադատն անհրաժեշտ է համարել «Լոյս»ում պարբերաբար հապարակուղի «Թըմբուկը» երգիծական պատկերների մէջ նորից ու նորից անդրադառնալ Մայտա»ին:

Հոկտեմբերի 8ին. «Երր լսեցի, որ մեծանուն հեղինակն այս անդամ Մայտայի վրայ տեսութիւն մը հրատարակած է Մասիսի մէջ, ուղեցի կարդալ զայն եւ կարդացի: Այս տեսութեան առաջին տողերը հասկանալու համար, սիրելի չընթերցող, շատ յոդնեցուցի ուղեղս, թէեւ մինչեւ այսօր վստահ չեմ թէ այդ տողերուն բուն ոգին ըմբռնած ըլլամ. աւելի շիտակն խոստովանելով, հաստ գլուխ չկարծուելու համար՝ հասկնալ կը ձեւանամ: Ուղեղիս յոդնութիւնն գէշ հետեւանքներ ունեցաւ. դժոխային գլխուց ցաւ մը զգացի, անանկ ցաւ մը որու նմանն չեն զգացած մեր բարեկամ Պ. Տեմիրծիպաշեանի գրական եւ իմաստասիրական շարժումին ժ տետրին կարդացողներն իսկ. եւ այս անբերելի ցաւն պարտաւոր եմ մեր բարեկամ Պ. Գ. Զիլինկիրեանին Մայտայի վրայ գրած մէկ յօդուածին»:

Հոկտեմբեր 12ին. «Մայտայի վրայ գլխուց ցաւ պատճառող քննադատութիւնքն»¹³: Այսպէս. մէկ բառով՝ շիբ, փակում է հաշիւր վիպի քննադատների հետ, նրանց դրուատանքները համարելով ժամանակի գաղափարական մողայամոլութեան տուրք:

Զանցած մէկ ամիս, նոյեմբեր 9ին, կրկին «Մայտա»: Այս անգամ քննադատը նորից հարուածն ուղղում է վիպի գաղափարական հիմքերին: «Թըմբուկըի մի բառական ընդարձակ հատուածում, վիպից առուած ոճերի եւ դարձուածքների օգնութեամբ ստեղծում է նրա գաղափարական միտումի հիպերբոլիկ պատկերը: «Քիչ մը Մայտա կարդա, որ մարդ ըլլաս եւ կնկան ինչ ըլլալն հասկնաս», - զայրացած ամուսնուն խորհուրդ է տալիս անբարոյական կինը:

13. Բացատրական բառարանի սկզբունքով կառուցուած այս երգիծականը, որ հրապարակուել է Մ. Սովեան ստորագրութեամբ, ամենայն հաւանականութեամբ նոյնայս պատկանում է Պարոնեանի գլուխն: Այդպիսի ենթագրութեան հիմքեր են տապի ինչպէս լեզուածական ընդհանրութիւնները Պարոնեանի հետ, այնպէս էլ «Մայտա»ի մասին տողը, որ գրեթէ բառացի կրկնութիւնն է Հոկտեմբերի 8ի հրատարակումից:

- Մայտա՞ն ըսաւ, որ միւսյո Բոլին հետ պտըտիս:

- Չեմ գիտեր, ո՞չ, կինն ընկերութեան զոհն է:

... Կեանքը հակապատկերաց շարք մ՞է: Ո՞՛չ, կինն կ'ամչնայ բանականութիւն ունենալը յայտնել: Կինն նախապաշարմանց անիրաւութեան տակ ճնշուած է: Ո՞՛չ, կինն կ'ամչնայ կը սիրեմ ըսելու: Կինը տկար էտկ է:

- Բան մ՞ալ չես կրնար ընել...:

- Մայտա բողոք պիտի բառնայ, վազ անցիր տղայութիւննէ. նախ պարզութեամբ խորհիչ եւ ապա որոշչ... ես վախենալու տեղ չունիմ...:

- Հա, կ'ուզէիր, որ կինն ընկերութեան զոհ մնայ միշտ: Մինչեւ հիմա սուսիկ փուսիկ գերիի պէս կը գործածես եղեր, անպիտան, եւ ես խապար չունիմ եղեր, բայց ամէն բան սորվեցայ եւ ալ չեմ կրնար ընկերութեան ողորմելի զոհ ըլլալ, գերութեան շղթաները շոյել...:

- Մահացու մե՞ղք գործեցի Բոլը սիրելով, որ այսչափ կը բարկանս կոր. աս ի՞նչ նախապաշարեալ էրիկ ես եղեր դուն, ամօթ, քիչ մը Մայտան կարդա՞տէ, բան սորվէ...»:

Կնոջ անիրաւահաւասարութեան եւ ճնշուած լինելու մասին Տիրսաբի բացարձակ ճշմարիտ դատողութիւնները վէպում գեղարուեստական սիմալ մեկնաբանման չնորհիւ կեղծ հնչեղութիւն են ստանում, կորցնում իրենց բուն իմաստը: Ի վերջոյ՝ կանանց ազատազրութեան մեծ խնդիրը վերածում է իր հակադրեալին՝ բարեկեցիկ քաղքենու կրքերի սանձազերծման եւ բարոյակըման ազատութեան գաղափարին: Ազատութեան թիրը ըմբոնումը «Թմբուկ»ի հերոսուհուն հասցնում է կործանման. «Այսպէս ամէնէն լքուած անօդ եւ անօդնական ալբանոցի մէջ ժամանակ կ'անցունէ այժմ», - եղրակացնում է հեղինակը: Պարունեանը գիտակցաբար սորում է այդպիսի ազատութեան ողբերգական հետեւանքները ե՛ւ անհատի ե՛ւ հասարակութեան համար:

Ի՞նչով բացատրել այսօրինակ հետամուտ ուշադրութիւնը մի երկի նկատմամբ, որն այնքան ցնծագին աղմուկով ընդունուեց ժամանակի շատ ճանաչուած հեղինակութիւնների կողմից՝ Մամուրեան, Զիլին-կիրեան եւ այլք: Ի՞նչու էր կրկին ու կրկին «գլխացավանք» պատճառում այդ վէպը եւ ստիպում վէճի բռնուել իր շատ սիրելի բարեկամների հետ: Պարունեանի համար այդ հարցն սկզբունքային նշանակութիւն ունէր: Դա պայքար էր յանուն ռեալիզմի, որի ոչ միայն զինուուրը, այլեւ տեսաբանն էր ինքը:

Պարունեանն իրաւացիօրէն գտնում էր, որ գրական խոտանի դէմ պայքարն աւելի հեշտ է, այստեղ ամէն ինչ երեւում է առաջին հայեցքից եւ գժուար չէ թերութիւնները նշելով անսխալ կողմնորոշել ընթերցողին: Այլ է խնդիրը, առաւել գժուարին, երբ խօսքը վերաբերում է փրուն, կեղծ հեղինակութիւններին, կամ էլ երբ պղնձի արժէքը ունեցող ստեղծագործութիւնը որպէս ոսկի է մատուցում:

Հենց այդպիսի, անպայման արժանիքները ունեցող մի երկ էլ նա համարում էր «Մայտա»ն, որի լոյսն ու ստուերը իրենց բնական տեսքով ցոյց տալու համար պէտք էր տեւական, հետեւողական ու համբերատար աշխատանք: Նման դէպքերում Պարոնեանն օգտուում էր քննադատական խօսքի բոլոր միջոցներից եւ ձգուում ինչ էլ որ լինի, հասնել ճշմարտութեան բացայատման, այդ բանում համոզել ե՛ւ ընթերցողին, ե՛ւ ընդդիմախօսին, ե՛ւ մանաւանդ հեղինակին, ստեղծագործական ճիշտ ճանապարհի կոչելով նրան:

«Մայտա» վէպի պարոնեանական բազմակողմանի քննութեան մասին մեր խօսքն աւարտելու առաջ, կը ցանկանայինք յուսալ, որ երջանիկ դիպուածը երբեւէ կ'օգնի գտնելու տեսալաշտից անյայտացած յօդուածը, գուցէ եւ... յօդուածները, որոնք կ'ընդարձակեն այս հարցի մեր իմացութեան սահմանները, աւելի ամբողջական ու աւարտուն կը դարձնեն մեր պատկերացումները:

ՀՐԱՆՈՅՇ ԴԱՐԻՒՆԵԱՆ